

茂名縣志卷之十四

仙釋

二氏之教於吾道爲異端粵自羅浮之澗競說菖蒲曹溪之泉相傳衣鉢從此黃冠緇衣所在而是矣然其證無上契又元者恒曠世不一遇焉况茂尤嶺海偏陬無洞天福地之勝哉然玉泉丹灶遺蹟猶存每月白風清髣髴真靈往來相遇其間也志仙釋

潘茂名晉永嘉中入山遇道士奕棋立觀久之道士曰子亦識此否對曰入猶蛇竇出似鴈行道士可其

茂名縣志

卷之十四

仙釋

一

說因語之曰子頂骨貫生門命輪齊日月腦血未減心影不偏修煉則可輕舉授以黃精不死之方遂於東山煉丹而上昇後千有餘年明朝成化年間郡侯孔公鏞來守高涼有人謁於馬前自稱潘茂名丰采整秀不凡公命之還而心異之其人曰於筆架山相候乃下車延之而不得見後因勸農至筆架山忽有以手招公者則向日來謁之人也因創潘仙亭於筆架山之椒其亭遺址至今尙存孔公詩曰共說丹砂可駐顏仙翁何不久人間石船蘚苔年在丹竈雲



封日日間亭宇落成新歲月乾坤猶自舊江山我來
欲問長生訣遼鶴何時海上還

許毛一云毛方係電白堡人自幼至老兩頰如丹水
旱將至歲時豐歉預以告人無不徵驗一旦仙去
吹角老兵者不知何許人亦不詳其姓氏不畜妻子
以吹角候夜生宋紹興間忽一日題詩於電白堡之
譙樓而仙去詩云畫角吹來歲月深譙樓無古亦無
今不如歸我龍山去松栢青青何處尋

附方技

茂名縣志

卷之十四

仙釋

二

王賓臣瓊州府瓊山縣學生員也康熙十九年應貢
候考於高夏秋之交久苦亢旱人心如焚賓臣自稱
得祈雨秘訣邑人請禱七月十二日建壇於觀山寺
是日四郊微雨獨不及城賓臣以爲風過多腥此妖
氛非所以應我也得無與事諸公未必先期齋戒乎
或戲之曰技窮耳何歸咎他人爲賓臣取盃水以片
紙畫符投之曰能飲此則果否齋戒立辨卒無敢取
飲者當事憾焉賓臣遂屏人於二十三日自詣寶光
塔第三層步罡密咒語住僧曰今日必雨且雷從南

來吾固無恙若來自北吾無死所矣言未竟黑雲冉冉起自西北雷聲雨勢併集如傾俄而塔中烟出賓臣仰臥以僵疑其爲雷擊死然絕無雷擊痕也督學道陳公肇昌聞其事爲還其額貢以慰之且遣祭焉其文曰天道之不爽兮豈淑德而云亡斯民之塗炭兮值蘊隆之方張憫災禳之流行兮蓋善則降祥不善則降殃昔司牧之善政兮虎北渡而蝗不入其鄉苟積誠以感格兮自不遠而復常胡謬謬其罔知兮挾術以觸天威固亦謂大兵之後有凶年兮將與造

物爭此予遺倘上天懲爾之愆返爾之迷或賜斯民以淋漓兮則子雖得罪於天不可謂無濟於羣黎吾其還子額貢以慰子沉淪之悲嗚呼哀哉尙其知之三十七年旱復行禱雨之事有敘述賓臣始末者邑守錢以壇慨然曰爲吾民而殞其身身雖歿其魂魄應留於此也因拜於賓臣死所爲文以祭之惟君瓊山髦士茂嶺萍踪適逢旱魃之殃會啟靈符之秘不惜殞身於頃刻終能致雨於滂沱捍患禦災允無慚乎祀典來蘇潤槁端有賴於神靈茲當舉趾之期久

切瞻雲之嘆敬行祈禱媿感格之未通念切痾瘵慚
拯救以無術稽諸掌故備悉前因敢羞薦於几筵宜
降歆於冥漠伏望賜之甘雨回天意於崇朝植此嘉
禾慰民情於當厄有所必應致報難忘尙饗隨大雨
四日因令嗣後凡禱雨必并禱於賓臣以爲例
邑南高涼堡五甲迷瓊坡舊傳宋時有一炁道師失
其姓氏有道術嘗因久旱激雷竟爲雷震而死鄉人
卽此塋焉每旱魃爲災按其科書設醮墓所輒獲甘
霽今立碑歲祀焉

論曰予考范史所載禁架符劾之術雖一時百姓
神服從者如歸未嘗聞其濟物也王生不惜其死
爲民請命雖挾術至工未免觸造物者之忌而憒
焚之虐卒賴以回宜有祀於後世也一炁道師不
傳其姓氏惜哉